


同官縣志

蒲城家藏
題



卷一	輿地		
星野	沿革	疆域	
形勢	山川	古蹟	
祥異			



中華民國二十一年十月

同官縣志



蒲城寂邀題



同官縣志

西安克興印書館代印

重印同官縣誌記

夫志者記其事物言論而恐泯焉者也國有史邑有志體制不同而記載事物言論昭示來茲者其義一也關中四大名志而外餘志不傳不能因其不傳任其缺如一邑有一邑應志之者陵谷變遷政治沿革風俗易移人文盛替宦蹟微疵以及孝子節婦凡有關於世道人心者搜括而備載以竣於後者前人之事後人之則也同官雖係斗大山城星羅居民菁華亦有所鍾應志者多應傳者亦不少此同官所以時志也近年來邑城屢遭兵匪簡編凌遺盡矣余於壬申春奉檄來長斯邑甫下車詢求志以便考察風俗人情爲敷政藍本再四搜求僅得簡編不

同官縣志

記

西安克興印書館代印

全者數冊各方抄錄今成全幅商同士人卽行付梓特恐在逾數年欲求其斷簡殘編而不可得也際茲災禱之餘未能集材續修是余之憾尤祈後之有心斯志者重修而再續之是所深望焉皆在

中華民國二十一年壬申秋七月華縣侯景賢謹記

同官縣志序

古者列國皆有史記事記言所以彰褒貶定是非也自秦歷漢晉唐宋則郡縣有志而無史志與史不同而未嘗不互相表裏故義例不精體裁不密者不可以言史亦不可以言志紕繆雜出挂一漏萬者亦然蓋志亦綦難而匪易也江右袁君以名進士起家茂宰銓授左輔之同官邑爲古役初地僻近邊隅號稱難治袁君蒞任以來振綱飭紀百廢具興因於簿書之暇取前志而編輯之未幾而哀然成帙其丙夜之校讐丹鉛之紛籍賢且勤矣書成乞敘于予予展而閱之見其條分縷析考覆詳明凡建置之源流政教之沿革山川風土

同官縣志

序

西安克興印書館代印

之淳薄人材選舉之盛衰靡不瞭如指掌燦若列眉若引星辰而上若決江河而下苟非有學有識如劉知幾之所謂三長者兼擅其美其而炳炳烺烺纒纒洋洋若是之整而瞻也哉夫言之無文行之不遠關中作者自呂柟之志涇陽康海之志武功而外率皆不傳豈盡因陋就簡苟且補苴無當於史臣之紀載歟是志也貫穿馳騁洞見本原上以備

聖天子之採擇下以供士大夫之考訂其亦可以不朽也已爰書數語而歸之以弁諸簡首乾隆三十年乙酉歲孟春月

欽命提督陝甘學政內閣學士兼禮部侍郎通家生鍾蘭枝題於鹿原官廨

重修同官縣志序

甲申之夏 予奉

命來宰於同披覽前志多漉漫不可卒讀且脩于前明崇禎庚辰至今曠百二十餘年矣其間時地之變遷風俗之移易田賦物產之贏絀人材選舉之盛衰文獻無徵攷稽難悉予惕然懼亟與紳士耆碩謀脩之衆皆唯唯恐後而觀其色若有甚難焉者曩令之爲是舉也亦屢矣然卒中止迄無成局蓋志之難而脩志於同更難阻于時久者其一阻於財絀者又其一也去秋議脩之始 予適有蘭州之行冬還迺即前志之磨憾者搜討援據綴闕釐譌復遍歷川巖博采碑蹟期於纖

同官縣志

序

一二

西安克興印書館代印

蹟不遺而志之條理粗具今春又有學署書院之役端陽後乃得擲管從事竊喜公餘休暇簿領不勞故予得優遊肆力於筆墨間三閱月而脫稿爲卷有十目六十有五言七萬四千四百有奇方書之成也 予奉

大憲命分校鑠闡冬初始克付剗剗工竣而予以銓次入都志所載興革諸事有未及行者所望後之君子及邑之士夫正無窮也邑俗多勁質鮮儼黠風此其最近古者而五方雜厝三戶成村議者以爲莫善于保甲然今昔之論保甲者案牘幾如蜂積而利弊恆相因不明其意難收其效徒泥其法且滋之累 予故獨詳其村堡于鄉里而不別立保甲之條意固

有在也初予講學明倫堂揖見諸紳士咸恂恂有古風而弁
嚮少文由來非朝夕故矣然揚子有言晞驥之馬亦驥之駕
晞顏之人亦顏之徒況今

聖天子文治翔洽雲蔚霞蒸雖斗大山城菁華豈或闕耶滌其
苦窳闢其樊籠則大雅可登也今秋學署書院相繼並起邑
人士咸喁喁望化予方冀於訟庭花落之餘與諸生延師講
學把酒譚詩則雖甌中生塵釜中生魚致足樂也昔顧愷之
令山陰盡日垂簾門階閒寂文翁治蜀教令廣被學比齊魯
此皆一文事節吏治干治同也最爲近之予竊慕焉而愧未
能也今仁和葉君以瀛洲仙客繼予作宰甫下車卽毅然以

同官縣志

序

三一

西安克興印書館代印

斯文爲己任諸予所未遑者行將富有而日新之是則予之
所深幸也夫時乾隆三十年乙酉歲一陽月崇仁袁文觀書

舊志序

明邑令 劉澤遠 大梁

同官長安北鄙下邑也舊蓋有志自楊懷來之志行而舊本不可復識矣其志從耀志竄入蓋同於耀爲支邑誌同誌其梗概耳夫誌者志也法不厭詳不詳則漏且不古何程不詳何徵前事之不忘後事之師也有如展卷便盡一登高指點足矣矧懷來距今餘四十陽秋其間陵谷變遷政治沿革風俗易移與夫人文之盛替宦蹟之燉疵不無竢於後者走啣命之初便欲補所未備續所未入會諸務荒蕪有志未遑越再歲走不憚心勞百務粗舉同之民似安於余之拙也於是復申前志折簡三老五更再三商確僉曰唯唯余乃敦請寇先達永修氏秉椽筆焉

同官縣志

舊序

四

西安克典印書館代印

屬茂才梁生可賢楊生瑜彙輯之而永脩氏傾八斗五庫之藏悉心獨斷不遺餘力以是歲中秋下浣抵今長至之辰三閱月而脫藁其卷有十其目五十有四其言三萬有奇上下古今犁然大備精核而簡當名實雙美久大兼該余不佞得寓目其間藉手成不朽大業以無貽守土者羞允哉一邑之信乘也法戒具在取則不遠走與士民竊奉爲蓍蔡非止爲記事之資已也余之來同也已期年矣每念高山陡澗饒居什九砂礫磽确強半不毛水之得泉於山者洪流細派未足澆半畝之田倏忽暴發並撮壤亦化爲烏有同民之愁何時已耶仁人君子披圖而覽倘亦有爲窮黎扼腕者乎同民竊翹首以待甦生矣至居宗

國而計桑土諸君子諒有訏謨守土願竊有請焉此余作志意也若曰昭往蹟以供見聞奚以誌爲哉時萬厯四十六年戊午仲冬月

同官縣志

舊序

五

西安克興印書館代印

舊志序

明進士 寇慎 邑人

同志始於嘉靖之楊曹州而懷來君再刪削之閱者嫌其語焉不詳且株守四十稷無變計戊午春大梁劉侯分符視同適余歸省乃謀諸余余謝不敏無何而余遭家難侯亦政事鞅掌未遑也日月荏苒倏忽改期侯勞來安集惠窮恤孤剔蠹爬幽飭圯屏囂同漸有起色將前盟是尋余以讀禮故再三謝去復自春徂秋而侯捐俸付梓以待矣始不獲已操觚襄事於左右三閱月次成十卷本之先達者什四據之臆見者什六仰副侯嘉惠後學盛心焉噫志史流也貴簡而該覈而實質而不俚瞻而不穢茲有一於是哉曉曉焉籲窮號苦作乞憐狀是亦窮民圖

同官縣志

舊序

六

西安克典印書館代印

耶於志乎何有雖然文不嫻而意善觀風君子倘不鄙而擲之獲塵乙覽得無有哀其狀而請命者乎而同其有瘳矣此余之深心也他又何知焉時萬歷四十六年歲在戊午仲冬月

舊志後序

明舉人 寇遵典 邑人

粵稽周禮小史外史掌邦國四方之志自漢而下則有風土人物之志先賢耆舊之傳摭拾一方蓋以範風俗存典刑非故誇勝山川侈美土物已也後世祖之於是乎郡縣之志幾於汗牛充棟矣余邑雖蕞爾然典制同治理同且山川甲於他郡而文獻無徵方冊不傳良可太息往侯茲土者不知越幾何人率以簿書鞅掌遽廬宿去誰復加意編纂傳信往古以詔來者今侯大梁劉公褰帷入同百廢具興逾期而化行俗美吏畏民懷乃於畫諾坐嘯之暇博訪古蹟旁詢宿儒山川名物風土習尚搜羅數百載之前屬永修氏條分類析編次十卷千秋事跡昭如同官縣志

舊序

七

西安克興印書館代印

指掌蔚乎古史之遺矣今而後將結軛而遊者覽圖籍鏡千古曰是亦西京文獻之區也剖符而至者按故實覈典章曰前事不忘後事之師也嗟嗟自同列郡縣以來升沉宦海不知幾更乃景耀不朽惟我侯與此書俱永矣不佞典叨在狄門躬逢盛典援筆敘諸末簡以昭我侯文章節吏治之一班云時萬曆戊午仲冬月

重修舊志序

明進士 寇慎 邑人

同志修於萬厯之戊午越十八年而遭寇氛簡版半付煨燼年來竟爲廢書矣闕里孔侯撫殘編而歎曰邑之有志猶國之有史國無史則一代無文獻邑無志則一方無故實同雖彈丸下邑昔爲天府故壤其陵谷風會往躅遺蹟缺焉不載將悵悵長夜觀風貢俗者寧無遺憾乎特於拮据簿書之暇搜掇其斷簡補輯其缺略條分縷析綱舉目張義例雖仍其舊而事實頗增於前捐貲付梓鐫爲成書昭示來茲甚盛典也蓋侯淵源洙泗以道德文章見諸事業名世鴻裁足稱不朽顧余末學前濫竽斯役正願執鞭博雅君子釐其訛謬補其闕失茲微惠於侯豈同官縣志

舊序

八

西安克興印書館代印

惟余小子固陋是飾而一邑之山川田賦官政人物昭如列眉將採風者察風俗而達民隱嘉賴豈淺鮮哉寧第曰文章節吏治已也時崇禎十三年庚辰歲仲春月

同官縣志

新修姓氏

纂輯

知同官縣陞任禮部祠祭司郎中袁文觀

崇仁

提調

訓

導李輔世

商南

署典史候補吏

目張琦

餘姚

採訪

舉

人王豐年

廩

生習雲翔

同官縣志

姓氏

生

員王子滿

校對

歲

貢崔泰

廩

生習雲翔

生

員楊煦

廩

生喬元英

經理

歲

貢王玉賓

歲

貢許鐸

監

生楊東旬

增 廩 生 生

廣

生 馮 鑛

生 孫 岱

員 張 安 國

員 趙 日 友

金 璽

辦事書吏翁天祈

王進義

同 官 縣 志

姓氏

二

西安克興印書館代印

同官縣志

凡例

一邑志之作明以前無傳者嘉靖後二楊舊本已不可見今所存者惟萬歷四十六年舊志其間不無訛漏況今歷百五十餘年文獻無徵考稽難悉不憚博徵遠採搜括靡遺傳其可知不傳其不可知而已

一舊志十卷今因之然以古蹟另爲一卷列於選舉之後輕重失宜排次鮮當殊非體裁且所列諸目故城考核未精山寨亦爲疊見其以現在之廟寺墳墓列入古蹟尤爲不經今特正之

同官縣志

凡例

一

西安克興印書館代印

一作志各有體裁義類總歸至當如建置所列先鄉里而後祠祀者亦古聖王先成民而後致力於神之意也舊志以廟貌壇壝分目於建置而城隍八蜡竟居社稷山川之前又以祠廟寺觀分列於古蹟而東嶽關帝反居孟姜女孫真人之後紛錯淆亂殊不可曉今以壇廟爲首而寺觀次之統歸於祠祀

一橋梁市集關險本建置類也舊志列於地理今易之一戶口賦役乃國計民生所關此周官所以爲理財之書也其間源流增損之故先後輕重之源酌古準今乃可以得於時變通之利故舊額悉載而不刪云

一風土上關政教下係民生爲治者所宜周悉舊志附於地理今特另提一綱分以七目巨細畢錄庶展卷之下不啻太史採風繪圖而進也

一學校另爲一志亦沿舊本而先賢先儒位次及祭器樂器等類不厭其詳者山邑陋隅古書少見所以備參稽之未逮况士列四民之首學校爲教化所先此區區本意也雖有病其煩者勿恤矣

一舊志所載秩官明以前寥寥數人而已今數百年來更何從搜錄今得於古碑者數人既確有見聞未便復沒也故增入焉

同官縣志

凡例

二

西安克興印書館代印

一舊志惟名宦數人另分目立傳然今已大半遺脫其餘德政遺愛建碑立祠者俱僅附小書數語於後未免太略今皆另傳於宦蹟一字之美悉從舊志所載書之

一志與國史體同而例異志美不志惡正也舊志以本邑人操觚豈君子居是邦之義乎此康對山武功志所以見譏於後也况人物則又專志美更何解焉今惟傳其可傳而不傳者可知矣

一本朝百十餘年官師房案多不可稽紳士亦無可採覽所存草本大都誇獎人物道德文章孝義節烈滿軸琳琅而官師竟爲逸帙余悲且懼幸有王生子滿年八十餘自明

季迄今錄有藏本甚爲詳核故余得備而論之

一選舉貢監吏員例皆得書舊志監生概入於例貢殊爲蒙混今則以監出身及捐職人員附於例貢之後其明萬厯以前未由攷正者仍從舊本

一某人之子孫必書所以美家傳也然以祖父之名而列於子孫之下於義未安今更正

一官師人物其已入祠祀及卓乎足紀者特書立傳若事蹟不彰而輿論歸之亦不容泯也爰倣唐書之例總列於篇一沒世名稱蓋棺論定故人物所傳現存者概不錄

一藝文非關地方事蹟雖巨製鴻篇不錄至名勝古蹟碑銘

同官縣志

凡例

三
西安克典印書館代印

序記雖其文不足傳亦採取付鈔以垂不朽

一仙術寓賢應列入人物舊志以雜述統之殊乖體制今所採者攷之古史訪之流傳雖一見一聞無妨採而書之以徵名山之別錄而當年世故變遷歷歷如見其無關於事蹟荒誕之語概不錄也

一志書所載如鼓樓文廟及書院膏火等類余皆以陞任卸事多所未遑而志已付梓難以更定然余之所以存而不削者深望後之君子次第舉行故特表而出之毋使余僅托之空言亦以見後人之美余不敢專也

一各卷日後必有按皆鄙見所及非發揮事情卽釐正訛缺

非徒循故事飾虛文已也其有所辨析攷核者卽註於本條之下率以按字領之

同官縣志

凡例

四

西安克興印書館代印